



*Sabtu, 21 Oktober 2023*  
**Ogen: Bilangen 26:59**



**Turang Harun ras Musa**



**M**eriam, sekalak diberu si erpengaruh nandangi keselamatan kalak Israel. Ia me diberu si pemena rende bage pe landek ras diberu-diberu sideban kenca bangsa Israel lepas bas pengayak-ngayak bangsa Mesir. Aminna pe secara tradisi situhuna labo semal diberu iangkatken tapi erkiteken perbahanenna e ngangkatken ia nandangi kalak sideban. Wari enda secara khusus kita ercakup kerna biografi Meriam enda. Ise kin ia, sinursur ja nari ras uga kinata kegeluhenna?

Bas ogenta ituriken kerna silsilah kegeluhen Meriam. Ia suku Lewi eme suku sikususken guna kelang-kelang Dibata ras bangsaNa. Lewi erdahin guna Tuhan. Lit telu sinipupus Lewi eme Gerson, Kohat, ras Merari. Kohat enda mupus Amram, janah Amram enda erjabu ras Johebet. Ipuusna me dua anak dilaki (Harun ras Musa) ras sekalak anak diberu Meriam gelarna. Meriam erturang ras Musa bage pe Harun. Telu ia mereken dirina guna ngelai Tuhan. Kecibal geluhna paksa kitik denga tading ia i Mesir, ngalaken erbage kiniseran bage pe tekanen geluh arah pemerintahan. Tapi kerina e jadi sada proses pembentukan karakter si megegeh dengen i bas Dibata ijadien jadi pasu-pasu man kalak si enterem. Musa ras Harun isuruh Tuhan mabai bangsa Israel ndarawt bas Mesir nari, janah Meriam minpin si diberu guna rende muji Dibata. Erturang si pelain-lain talentana tapi radu sikuhen. Harun nampati Musa ngerana man raja Mesir, Musa minpin bangsa, Meriam ras-ras diberu Israel nehken puji man Dibata. Luar biasa bas kai si jadi nandangi keluarga enda, teluna anak Amram ipake Tuhan guna maba keselamatan. Kita reh ku doni enda guna erbahanca serta kalak sideban. saling melengkapi ras mendukung gelah megegeh. Bage me oratna kita bas jabuta, bas erturang ersenina tetaplah ersada maba keselamatan man enterem

☞ *"Kuhi senina turangta arah dukungen si mehuli"*